

Na Dithakadi di fela di le teng?

E ngotswe ke Lesley Beake | Ditshwantsho ka Tamsin Hinrichsen



Sekolo se tswile. Ke nako ya ho ya hae.

Samuel le Maryanne ba tsamaya mmoho, ba tsamaya mmoho.

“Na dithakadi di fela di le teng?” Samuel a botsa Maryanne.

“E.”

“Na ke bohlwa?”

“Tjhe.”

“Na ke dibere?”

“Tjhe.”

Bana ba ntse ba tsamaya, ba tsamaya mmoho.

“Na dithakadi di kgolo?”

“E.”

“Na di matla?”

“E.”

Bana ba tsamaya mmoho, ba ntse ba tsamaya.

“Na di tla re ja?”

“Tjhe.”

“Di ja eng?”

“Bohlwa.”



Bana ba ntse ba tsamaya, ba tsamaya.

“Na dithakadi di dula difateng?”

“Tjhe.”

“Na dithakadi di fofa jwaloka dinonyana?”

“Tjhe.”

Bana ba ntse ba tsamaya, ba tsamaya.

“Na dithakadi di dula le batho?”

“Tjhe.”

“Na dithakadi di rata kgekge?”

“Tjhe.”

Maryanne a emisa ho tsamaya. Samuel a emisa ho tsamaya, empa eseng ka potlako. O thula Maryanne. O shebahala a kgenne.

“Na dithakadi ...”

Maryanne o phahamisa letsoho.

“TLOHELA HO BOTSA DIPOTSO!”

“Empa ...”

“EMISA!”

Maryanne o bontsha Samuel moaho o monyane. Ho na le letshwao moahong wane.

LAEBORARI.

Samuel o sheba Maryanne.

“Na ba tseba ho hong ka dithakadi moo?”

“E.”

Samuel o sheba laeboraring.

“Na nka kena ka hare?”

“E.”

Samuel o a kena. Laeborari e tletse dibuka. Ho na le dibuka tse makgolokgolo. Mohlomong ho na le dibuka tse diketekete. Samuel o tla e fumana jwang buka e buang ka dithakadi?

“Nka thusa?” ha rialo monna ya mosa.

“Na o na le dibuka tse mabapi le dithakadi?”


Mosebetsi wa laeboraring a bososela.

“E.”



Monna ya mosa o tliša buka. Samuel o dula tafoleng mme o a e sheba.

- Dithakadi di kgolo – kgolo ho feta dintja tse ngata.
- Dithakadi di ja bohlwa le dikokwanyana tse ding.
- Dithakadi di etsa mahae a tsona ka tlasa mobu.
- Dithakadi di tseba ho tjheka haholo.
- Dithakadi di dula dibakeng tse tletseng jwang Afrika.
- Dithakadi ha di na meno.
- Dithakadi hape di bitswa *aardvarks* (se bolelang kolobe ya mobu).
- Dithakadi di tswela ka ntle bosiu feela.



Samuel o a nahana. Monna ya mosa o etsa fotokhopi ya setshwantsho sa thakadi. O e fa Samuel. Samuel o ntse a nahana.

“Dithakadi di tswela ka ntle bosiu feela,” Samuel o rialo. “E.”

“Jwale re tseba jwang ka tsona?”

Monna ya mosa a bososela.

“Bafuputsi ba di shebella ka hloko e kgolo. Batho ba bea dikhamera hore di di nke ditshwantsho bosiu. Batho ba ngola dibuka tse re bolellang tsohle mabapi le tsona.”

Samuel o nahana ka seo, “Empa *bana* ba tseba jwang mabapi le dithakadi?”

“Ba botsa dipotso!”

Samuel le Maryanne ba leba lapeng. Samuel o kgutsitse haholo. O nahanne ka dithakadi. O nahana ka dintho tsohle tseo a di tsebang ka tsona.

O lakatsa eka a ka bona thakadi.



“Maryanne?” a rialo.

“Ehe?”

“Na re ka dula ho fihlela bosiu bo boholo hore re batlane le dithakadi? Na re ka nka totjhe mme ra ya sheba hore ho na le dithakadi haufi le mona? Na re ka batlisisa hore ebe ho na le mekoti ya dithakadi moo di dulang teng? Na re ka ya? Re ka ya?”

“Tjhe.”

Na Dithakadi di fela di le teng?

E ngotswe ke Lesley Beake • Ditshwantsho ka Tamsin Hinrichsen

Mehopolo eo le ka buang ka yona

Samuel o ne a batla buka e mabapi le dithakadi tse jang bohlwa. Ke mofuta ofe wa dibuka tseo o ratang ho di bala?

Ke jwang Samuel a ka beng a ithutile ka dithakadi tse jang bohlwa? Ka tlwaelo o fumana tlhahisoleseding jwang?



Setshwantsho

Samuel o ne a na le kgahleho e kgolo ho dithakadi tse jang bohlwa. Phoofolo eo o e ratang ka ho fetisisa e hlaha ke efe? Toroya setshwantsho sa yona. Ngola lebitso la phoofolo tlasa setshwantsho kapa kopa motho e mong hore a o etsetse sena.



Ho bala

Na o ka sebedisa tlhahisoleseding e paleng ee ho ngola lenane la "dinnete" le "bohata" mabapi le dithakadi tse jang bohlwa?




Ho ngola

Samuel o botsa dipotso tse mabapi le dithakadi tse jang bohlwa hobane o ne a na le kgahleho ya ho tseba ka tsona. Ngola lenane la dipotso tse robedi ho isa ho tse leshome tseo o nang le kgahleho ya ho fumana dikarabo ka tsona.



Mosebetsi wa matsoho

Sebedisa letsopa kapa hlama ya ho bapala ho etsa bere e jang bohlwa.



Tshebetso

Bapala puisano dipakeng tsa Samuel le Maryanne karolong ya pale pele ba fihla laeborari.

